

دائرة مخصوصه

در سعادتده باب عالی جوارنده

محل اداره :

مستطابق

اخطار :

مسکونه موافق آثار جدید مع المنوبه
قبول او انور
درج انبیهین آثار اعاده او انور

دین، فلسفه، علوم، حقوق، ادبیات و سیاسیات و باطنیات و کرب و کرب اجتماعی و مدنی احوال و مشی و اسلام و دین و بحث ایدر و هفته در نشر انور.

آبونه بدلی

سنه لکی التي آیلنی

صاحب و مؤسسلری :
ابوالعلا زین العابدین - ح . اشرف ادیب

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلیر

تاریخ تأسیسی
۱۰ تموز ۳۲۴

ممالک عثمانیه ایچون	۸۰	۴۰	غروش
روسیه	۶۰	۳۰	روبله
سائر ممالک اجنبیه	۱۷	۹	فرانق

عدد : ۸۴

۴ ربیع الآخر ۳۲۸ پنجمه ۱ نیسان ۳۲۶

در دنجی جلد

تاریخ اسلامیت

نام مستعارید در قنور « دوزی » نك تركچیه مترجم رساله
فارسی رویه

— ۱۳ —

ینه دوزی دینور :

« هر قبیله کندی صمنه متین بر صورتده مربوط ایدی . زیرا صمن قبیله ایچون بر نوع ملك تشکیل ایدیوردی . راهبر الهلرینک ، دها طوغروسی کندیلرینک منفعلترینی الله « تعالی » نك زیانته اوله رق اکثریاصیات ایدرلردی . قرآنک و مفسرلرینک بر صورت عمومیه ده نقل ایتدکلی برعات صافدلاندن ایدیلان استدلال بودر . فقط پیغمبرک ترجمه حالی یازان اسکی بر محرر بو عاتی ینده کندی نامرله محی بر اراضی اشغال ایدن « خولان » قبیله سنه حصراً عطف ایدیوردی . بو عادت شوندن عبارت ایدی که التهره تخصیص اولونان بوغدای ایله دوه یاورولردن عبارت نذرلر ایکی حصه یه تقسیم اولنوردی . بونلردن اللهک حصه سنه دوشن شی فقرانک و قبیله یه کلن سیاحین اجنبیه نك احتیاجلرینی تهویه صرف ایدلک لازم ایدی . صمنلره عائد اولان حصه هم نذر اولور ، هم ده راهبرک حفظ واعاشه لرینه یاراردی . لکن اگر تصادفاً الله « تعالی » صمنک حصه سنه دوشن ندره نسبه دها ای برنذر آلیرسه صمنه ویرمک ایچون اونی « الله تعالی » نك الندن آلیرلردی . اوکا کوزل حصه یرینه فناشی ویریلردی . »

بتهرستلرک بو حالاری « استعین بالله » سورة الانعام مذکور « وجعلوا لله مما ذرأ من الحرث والانعام نصيباً فقسالوا هذا لله بزعمهم وهذا لشركائنا فما كان لشركائهم فلا يصل الى الله وما كان » نظم جایلنده بیان بیورلمشدر .

معنای شریفی : مشرکک جناب حقک خلق ایتش اولدینی حبوباتله چارپا حیوانلردن کندیسنه نصیب تمین ایتدیلر ، بر مذوری ایکی یه بوله رک زعم باطلارنج ، بو حصه باری تعالی یه ، بوده الله مزه مخصوصدر ، دیدیلر . بو صورتله تفریقندن صوکره الله نك حصه سی باری تعالی یه

وصول بولماز ، باری تعالی نك حصه سی ایسه آلهیه واصل اوله بیلیر . اونلرک ویردکلی حکملر هپ بویله فنا وجاهلاندر .
(انوارالنزیل) ده بوجه آتی توضیح کیفیت اولنمشدر : عرب ، شرکلی حرث ونتاجدن (۱) بر مقدار شیء الله تعالی یه تخصیص ایله مسافرلره و مساکینه صرف و انفاق ، دیگر مقدار برشی ده آلهیه باطله یه تخصیصله اونی سندنیه (۲) اهدا واصنامه قربان ایدرلردی . جناب باری یه آیردقلری شیلری ازکی « دها نمالی و دکرلی » کورور لرسه آلهیه نك حصه یله دکشدرلردی ، آلهیه تخصیص ایتدکلی شیلر نه قدر قیمتی اولسه اونلری دها زیاده سودکلی ایچون اونی حالی اوزره بر اقیلرلردی .

[جناب حقک خلق ایتدیکی شیلردن معنانه اولان « مما ذرأ » قول کریمی خالق کندی خلقتده هیچ برشیته حائز قدرت اولمیان جهاداتی اشیرک ، بلکه ترجیح ایتمکده اولملرندن ناشی مشرکک فرط جهالتلرینی اشعار ایتمکده در . « بزعمهم » قیدله ده بو یابدقلری معامله لر اونلرک اخراج کرده لری اولان باطلیل جمله سندن اولوب امر الهی یه مستند اولمادینی افاده بیورلمشدر .]

ایشته بو نظم شریفدهکی « جعلوا » ضمیرینی بیضاوی علی الاطلاق عرب مشرکلرینه ارجاع ایدیوردی . بوندن صورت عمومیه ده عربلرک بو عادت ملازمتری اکلاشماز . ایچلرندن برقیله نك بومنوال اوزره حرکت ایتلری کفایت ایدر . دیمک ایستزکه نه قرآن کریمک ، نه ده

[۱] علی الاطلاق حیوان یا وروسی دیمک ایسه ده علی الاکثر دوه یاورولری بونقسیمه معروض اولوردی .
[۲] خادم معنانه « سادن » ک جی . بوراده بخانه خده سندن عبارتدر .

مفسرین کرامت بر صورت عمومیّه نقل ایلله بوتون قبائله اسناد ماجری ایتدیکی یوقدر . بوحالده « فقط پیغمبرک ترجمه حالک اسکی بر محوری یمنده کی خولان قبیله سنه حصراً عطف ایدیور . » دیمکدن نه معنا چیقار ؟

قرآن کریم اطلاق اوزره بیان کیفیت ایتدیکی جهته معامله مذکورده نک یالکز بر قبیله ده ثبوتی کافی اوله جنی امر آشکاردر . او قبیله خولان قبیله سندن عبارت اولورسه نه لازم کیر . ؟ هایدی فرض ایدلم که قرآن کریم معنای عمومی دال ایش . بوتقدیره کوره حضرت رسول اکرمک ترجمه احوال سنیه لرینی یازان اواسکی محررک بوکا مخالفت ایتیمی کندی سوزینک بطلانی مستلزم اولور . براهین قطعیله ایلله حجتی ثابت اولان قرآن کریمک بیانیه خلل کلز که بوندن « دوزی » برشی قزانه بیلسون . مرامنه نائل اولسون .

ایشته مرقومک عادتی دائماً بویلهدر . هر هانکی مسئله ده قرآن کریمه ویا تواریخ اسلامیه به مخالف اوله رق سویلنمش برسوز بولورسه اونی دیلنه طولایه رق اسلامیت علیه بر حجت قاطعه کی سند اتخاذه یلته نیر ، اوسوزک باطل اولق احتمالی اصلاً حساب قاتماز . مرقومک بوحرکتلری ده یالکز مترجم بی وایه نک نظر موشکافانه لرنده بویوک بر احاطه ، درین برامعان آثار باهره سندن معدود ، عقل سلیم محصولی دیتلمکه شایان اولیور . ومحضاً بو حکمت عالییه ! منی هر سوزینک قبولی دین قرنداش لرینه ! توصیه ایدیور .

دوقتور دوزینک اتخاذا ایش اولدینی بومسلك ناهموار فوقنده مکابره ومجادله بالباطل تصویرینه بوتون اعدای اسلام بریره طویلانسهر چاره بوله مازلر . حریفک انصافنه بافک ! قرآن کریمک تصریح ایتدیکی برشی صریح عدا ایدیور . صوکراده اوکا مخالف بولدینی برکلامی حخته اقامه دلیلله لزوم کورمیه رک قطعی صورتده کوستریور .

اعتساف مذمومده بو مرتبه افراط پرور بولنان بر مجادل ایلله مناظره به کیرشمک حقا که پک بویوک بر تنزلدر . فقط دووقتور عنوانی طاقت ان ایکی کیمسه نک تناصر و توافقی ایلله حصوله کلش بر اثرک - هر نه به دائر اولورسه اولسون - بوتون محتویاتی حقائق نایته فرض و توهم ایدمک کوته بیان بد اندیشانی مزلقه ضلالتدن وقایه وظیفه سی انسانی بوتزلده مجبور ایدیور . بوشاشقینلر دوشمن پرورلر که دووقتور اولمیان بر ذات دووقتورلق سرارینه آشنا اولمادیکی کی دووقتورلغه خصصر مساعی ایدن کیمسه ده مباحث دینی و حقائق اسلامیه دن اونستده بیگانهدر . بر آدم مستشرق عد اولمغله ده هر شیئه آگاه اوله ماز .



بو طرز عجیبه ایقاع جدال و ابراز خصومت ناشر نصرانیت اولان جزویتلرک اعتبار ایش اولدقلمی جدال باطلکده قات قات فوقندهدر . اونلرک بوبابده کی برنسیبیلری شوندن عبارتدر : قرآن کریمده بیان بیورولان بر حقیقت اللرنده کی کتابلرده عیناً مبین اولورسه « بونی قرآن فلان کتابدن آلمشدر ، چونکه اونک عینیدر » دیرلر . اکر اونلرک برنده کی بیانه مخالف اولورسه « قرآنک بیانی

واقعه مطابق دکلدر ، زیرا بزم کتابلرمزه مغایردر » دیرلر ، اکر اونلرک کتابلرنده نه اثبات ، نه ده نفی ایدلمش دکلسه ینه « غیر صحیحدر ، چونکه بزم کتابلرمزده یوقدر » دیرلر .

علمای اسلام بوقورو ادعای قارشی اظهار حیرتله « حیوان صافدن مبرا بولنان بر مناظرک دیکرینه مقابل مکابره خصوص متکارانه سی ایشه بوقدر اوله بیلیر » دیورلر . وکال متانتله ده شو حقیقتی اعلان ایدیورلر . بزبانات قرآنیه نک قطعیتنه رسول اکرم افدنم حضرتلرینک تبلیغ بیوردینی کتاب کریمک حفظاً و کتابه تواتر صحیح ایلله منقول و اهر جهت مصون اولمیلله برابر (۳) نبوت و رسالتنه براهین باهره اقامه ایدیورلر که اونلرک بری - مقدمه ده بالاطراف ایضاح اولدینی اوزره - کندیسى اصلاً تعلم وتحصیل ایلله اشتغال بیورممش بر رجل امی اولدینی حالده علوم اولین و آخرینه آشنا اولمیرلر . بوحال و حقیقته بناء قرآن کریم کتب عهدینه موافق اولدینی اخبارده اونلری تصدیق . مسکوت عنه قالان برشی بیان ایتدیکی تقدیرده یکی باشند اعلام ایلدیکی کی مخالف براخبارده بولندقدده آنلرده واقع غلط ویا نسیانی تصحیح ایش اوله جنی وارسته اشتباهدر . چونکه اوکتابلرک اصلری ضائع اولدقدن یوزلرجه سنه صوکرایزلمش ، نشر ایدلمش اولمیری قابل انکار دکلدر . هیچ برنی کاتب وناشرینه اسناد متصل ایلله انها ایتک ممکن اوله میور . [۴]

بزه قارشی طوراجق معارض اساس مدعای تحکیم ایتمکه اولان دلائل و براهینه طوقه جق برسوز بولوب سویله ملی ، قانون مناظره دائره سنده اعتراض سرد ایتلی در . یوقسه اساسی برافوبده تفرعائه عائد باده کویانه سوزلردن برشی قزانه ماز . چونکه اثبات نبوت براهینی هر درلو خللدن وارسته اوله رق ، هیچ بر مقدمه سی قدح

(۳) بو حقیقت « مسترستوبارت » ک « اسلام ومؤسسی » نام اثرینک ۸۷ نجی صحیفه سنده عیناً اعتراف اولدینی کی ینه اونک افاده سنه نظراً اسلامیتک بویوک ، اک حاذق واک ماهر دشمنی اولان « مویر » کده انکاره مجال بوله مادیکی بر امر قطعیدر . ایشه بولنده قرآن کریمک وحی ربانی اولمسنده تردد ایدیورلر سه ده تبلیغ اولدینی کی قالمش ، اصلاً قلم قارشمش اوندن بشقه کتاب مقدس اولمادیغی جزم ایدیورلر .

[۴] اناجیل اربعه نک یکدیگرینه مابیت کامله سی حبیلله درجه موثوقیتلری بیاندن مستغنی در . تورات نامنه حضرت موسایه منسوب اسفار خسه ده « عزرا » نام کاهن طرفندن یازیلوب نشر اولمشدر . چونکه هیکل معروفده مودوع بولنان بوتون کتب وامانات اسرائیلیه بختصر استیلا سنده محو و اتلاف اولدینی علمای یهودک کندی اعتراف لرله ثابت و معلومدر . عزرا ایسه ۱۵ نجی واسطه ایلله جناب هر نه منتسب عد اولمغلهدر . یازدینی اسفار خسه ده حضرت موسانک وفاتی و مؤخرأ جریان ایدن وقائع اسرائیلیه یی محتوی بر تاریخ کتابیدر . ایچنده برطاقم احکام شرعیه بولمغله بزجه مصدق اولان تورات شریفک عینی اولق لازم کلز . دیمک اولور که جناب عزرا متفرق بر حالده بولنان یکدیگرینه مبین کتابلری تصحیح ایلله اسفار معلومه یی میدانه قومشدر . کاتب و کاهن عنوان لرله معروف ، نبوتی مشکوک اولان عزرائک کتب سالفه نک خطا لرینی تصحیح ایتک صلاحیتی حائز بولندیغی تسلیم ایدن علمای اهل کتاب رسالت جلیله لر براهین قطعیله ایلله ثبوت بولان نی دیشان افندی مرک بو صلاحیتی عدم تسلیمده پک بویوک انصاف لری ابراز ایش اولیورلر . فقط غرض اویله بر مرصدر که انسان ایلله قبول حق آره سنه حائل عظیم اولمغلهدر .

مسلمانان قدیم فردک حاکمیتی ایله جماعتک حاکمیتی

پکن نسخه دن مابعد

وقتا که دائرة فتوح توسع ایدرک مسلمانانک پک اوزاقلرده کی مملکتلره قدر یاییلدی ؛ وقتا که احکام شریعتک حافظلری ، راویلری ارضک مختلف نقطلرینه داغیلدی ؛ برطرفدن لوازم مدنی و اجتماعی نک آرتمسی ، دیگر طرفدن معاملاتک تشعیله عربک غیری اولان اقوامک اسلامه دخولی یوزندن شئون و حادثاتک تجدید ایلمسی کی اسباب دائرة قضایی طبیعتیه توسیع ایتدیکی ایچون احکام شریعتک تشعته اوغرامسندن ، هر کسک قضا و افتایه قالدیشمسکی کی بر اختلال شرعی نک ظهورندن قورقوله رق ایکی مهم ایشه احتیاج کورلدی که برنجیسی شریعتک کتابلره یازلق صورتیه ضبط و تدوینندن ؛ ایکنجیسی احکام معاملاتده تحدت ایدن مسائلی قوانین شرعه تطبیق ایدد بیلیمک ایچون اصول شریعتک تفریعنه خادم بر طاقم قواعد وضعندن عبارت ایدی .

ظنمه کوره بو ایکی امر مهمه اولان احتیاجی هر کسندن اول حس ایدن خلیفه عادل عمر بن عبدالعزیز اولمشدر که برنجی احتیاجی برطرف ایتک ایچون کبار تابعیندن قرن اول هجرتک صوکرنده کبار تابعیندن زهرییه حدیثی دفترلره یازدرق مملکتلره داغیتق امرینی ویرمش ، زهرییه ده بواصری انفاذ ایتشدر . نته کیم وقعه هر کسک معلومیدر . ایکنجی احتیاجه کلنجه ، خلیفه اموی بونک ده فرقه وارمش ایسه ده تأمین کنیدیسندن صوکره کلن ائمه مجتهدینه قالمشدر . اوت ، امام مالک بن انس او یله روایت ایدیور که عمر بن عبدالعزیز « انسانلر آره سنده نه قدر فجور حادث اولورسه او قدر مسائل قضا تحدت ایدر . » دیر ایمش .

بو مهمه بی عمر بن عبدالعزیز ادراک ایتش اولدینی کی مالک ، شافعی ، ابو حنیفه ، احمد بن حنبل ایله داود ظاهری کی زمان حاضرده هیچ اربابی قالدیان دیگر بر طاقم مذاهبک اماملری ، کذلک زید بن علی ، جعفر صادق کی مذهبلی حالا پایدار اولان ائمه شیعه ده ایشی اکلا دقلری ایچون سنت رسولک دفترلره ، کتابلرده ضبط و تدوینیه اکتفا ایتیه رک بیان و تفصیل ، تفریع و ترتیب اولان احتیاج قطعی کی کوردیلر ؛ کتاب و سند کی اصول شریعتیه نظر امعان ایله باقرق اورادن بر طاقم احکام چیقاردیلر ؛ صوکره مذهبلی نک ، اصولنه اجتهدلرینک قواعدینه کوره او احکامی توسیع ، ترتیب ، تدوین ایلدیلر که اصول کتابلرنده مصرح اولان بو مباحثی هر یکز بندن اینی بیلدیکنکز ایچون ایضاحات ویرمه یه قالدیشما یورم . بو صورتله قوانین شرعی اجتهدلرینک ، سعلیلرینک مساعد اولدینی مرتبه ده ضبط ایتدیلر . بناءً علیه هر مذهبک کتابی اربابنک بو کونه قدر دستور اتخاذ ایلدیکی بر شریعت اولدی .

بز بو بویوک اماملرک ادا ایتش اولدقلری خدمت جلیله بی اوزون اوزادی یه ثنا ایده جک دکلر . ذاتاً بونلرک ملته ، شریعتیه ایتدکلری خدمتک عظمتنه مقیاس اوله رق یالکنز شونی سویلامک کافیدر که : افتا و قضا مرتبه بلندی علم دینه ، سنت رسوله و قوفی ادعا

و تعرضه اوغرامیه رق صحت و متانتی محافظه ایتدکجه اورته یه آتیلان سوزلر هب افسانه در ، سفسطه دن بشقه برماهیت احراز ایده مزلر .
ینه او دیور :

« الله » تعالی شانه « ایله مادون الوهیتلر آره سنده موجود مناسباته کلنجه ؛ بونلری اونک قیزلری زعم ایدیورلردی . فضله اوله رق بومادون ، الوهیتلر « جناب » اللهک تحت امرنده ایدیلر . بوالوهیتلر حکم سوررلردی ، فقط حکمداری طرفندن کنیدیسنه اقتدار ویریلن والی ولایت کی حکم سوررلردی و انسانلر ایله الله « تعالی » آره سنده واسطه تشکیل ایدرلردی . »
« مادون الوهیتلر » دیدیکی بالجمله آلهه باطله ، اصنام و سائر دینه شاملدر . فقط جناب حقک « حاشا » قیزلری اولمق اعتقاد باطلی بالکنز ملائکه حقنده شایع ایدی . [« و جلوا الملائکه الذین هم عباد الرحمن انا . اشهدوا خلتهم » نظم شریفی اونلرک بواقرای عظیملرینی حکایه و ابطال ایتدکده در .] جنلره ذاتاً طوغرودن طوغرویه عبادت اولمه لازدی . دوزی نک یوقاریکی ادعاسی خلاف حقیقتدر . مرقوم « جن » تعبیرینک بالخاصه اونلرک متمردلری اولان ، اغوای عبادیه ساعی بولنان شیاطینه ده اطلاق اولدینی بیلیمدیکی جهته بوتومه قابلمشدر . شیاطینه عبادت ایتلری ایسه حقیقتی اوزره اولیوب بلکه اونلرک تسویلاتنه متابعتله عبادت اصنامه انهما کلرندن عبارتدر . من القديم ناسی بترستلک سوق ایدن اونلر دکلدر ؛ حتی دوزی نک دیدیکی کی بتلردن صدا ایشیدیلدیکی امر واقع ایسه اوده اونلرک بالذات یا خود سندن واسطه سیله ایقاع ایتدکلری اغوا ات قیلندن برشی اوله جفی درکاردر . « وانه کان رجال من الانس یعودون رجال من الجن فزادوهم رهقا » نظم جلیلی مفادنجیه دور جاهلیته عربلر جنلردن استمداد ایدرلردی ، انسانی سفرلرنده مخوف یرلرده بیتوت ایده جکلری زمان « بووادی نک سیدینه سفهانک شرنندن استماذه ایدرم » دیرلردی .

ملائکه کرامی معبود اتخاذ ایلدکلری ده استیعذبالله « و یوم یحشرهم جمیعاً ثم یقول للملائکه اهؤلاء ایاکم کانوا یعبدون . قالوا سبحانک انت ولینا من دونهم بل کانوا یعبدون الجن اکثرهم بهم مؤمنون » نظم کریمی ایله ثابتدر . معنای شریفی : ذکر ایله اول کونی که رب ذوالجلال کافه مشرکینی حشر و جمع ایدوب - کنیدیلرینی تفریع و تبکیت ، توقع ایتدکلری شفاعتدن اقناط ایچون - ملائکه کی خطاباً بیوره جق که : بونلر سزه می حصر عبارت ایدیورلردی ؛ جواباً دییه جکلر : ای رمز ! بز دائماً سنی تقدیس ایدرز ، شریکدن تره کی بیلیرز ، بزم ولیمز انجق ذات الوهیتکدر . مشرکله موالاتمز ، اونلری عبادتمزه دعوت ایتدیکنز یوقدر . کنیدیلری ماسوی اللهه عبادت خصوصنده شیاطینه مطاوعت ایتدکلریچون علی الحقیقه اونلری معبود اتخاذ ایتش اولیورلر . ناسک اکثریسی بزه دکل ، اونلره ایمان و انقیاد ایدیورلردی . [آلهه اتخاذ اولنلر ایچندن ملائکه نک بو خطابه معروض قلملری اونلرک خطابه حائز صلاحیت اولمسی ، هیاکل و اصنامه عبادتدن مقصد باطل ارواح علویه یه تقرب اولدیفندن عبادت ملائکه اصل و مبداء شرک بولنسی حکمتنه مبنی اولمق کرکدر] (بیضاوی)

مناسرتلی اسماعیل حق